

## ხელშეკრულება N37/16

(საკუთარი სახსრებით)

### საარქივო მომსახურების გაწევის შესახებ

ქ. თბილისი

9 მარტი, 2016 წ.

ერთი მხრივ, საქართველოს იუსტიციის სამინისტროს სსიპ საქართველოს ეროვნული არქივი (შემდგომში „მიმწოდებელი“) მდებარე: თბილისი, ვაჟა-ფშაველას გამზირი №1, წარმოდგენილი გენერალური დირექტორის, **თეონა იაშვილის** სახით და მეორე მხრივ, შპს „საქართველოს მელიორაცია“, (შემდგომში „შემსყიდველი“) მდებარე: ქ. თბილისი, მარშალ გელოვანის გამზ. N6, წარმოდგენილი გენერალური დირექტორის, **ლევან დვალის** სახით, ვხელმძღვანელობთ რა საქართველოში მოქმედი კანონმდებლობით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტისა და შ-1778 მოხსენებითი ბარათის საფუძველზე გამარტივებული შესყიდვის საშუალებით ვდებთ წინამდებარე ხელშეკრულებას შემდეგზე:

#### 1. ხელშეკრულების საგანი

წინამდებარე ხელშეკრულების საგანს წარმოადგენს მიმწოდებლის მიერ შემსყიდველისთვის საარქივო მომსახურების გაწევა (CPV - 79995100) - მოთხოვნის შესაბამისად, ეროვნული არქივის ცენტრალური არქივის საცავებში დაცული საარქივო დოკუმენტების მიწოდება ელექტრონული/ასლის სახით, შესაბამისი ანაზღაურების სანაცვლოდ.

#### 2. ხელშეკრულების საერთო ღირებულება

2.1 წინამდებარე ხელშეკრულების სავარაუდო ღირებულებაა 500 (ხუთასი) ლარი.

2.2. გასაწევი მომსახურების ერთეულის ფასები პოზიციების მიხედვით მოცემულია „საქართველოს იუსტიციის სამინისტროს მმართველობის სფეროში მოქმედი საჯარო სამართლის იურიდიული პირის - საქართველოს ეროვნული არქივის მიერ გაწეული მომსახურებისათვის დაწესებული საფასურის ოდენობების, გადახდის წესისა და მომსახურების ვადების დამტკიცების შესახებ“ საქართველოს მთავრობის 2011 წლის 29 დეკემბრის #506 დადგენილებაში.

#### 3. ანგარიშსწორების ფორმა და ვადები

3.1. წინამდებარე ხელშეკრულებით ანგარიშსწორება ხდება უნაღდო ანგარიშსწორებით, მიღება-ჩაბარების აქტზე ხელმოწერიდან/საგადასახადო ანგარიშ-ფაქტურის წარდგენიდან 5 სამუშაო დღის ვადაში.

3.2. უნაღდო ანგარიშსწორება ხორციელდება ფაქტიურად გაწეული მომსახურების შესაბამისად გაფორმებული მიღება-ჩაბარების აქტის/აქტების საფუძველზე.

3.3. თუკი, ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება ხორციელდება მომდევნო სამუშაო დღეს.

3.4. უნაღდო ანგარიშსწორება ხორციელდება კანონმდებლობით დადაგენილი წესით.

3.5. მიღება-ჩაბარების აქტზე ხელმოწერ უფლებამოსილ პირს შემსყიდველის მხრიდან წარმოადგენს შპს „საქართველოს მელიორაციის“ ადმინისტრაციული სამსახურის თანამშემწე, **ქეთევან ნოღია**.

3.6. მიღება-ჩაბარების აქტზე ხელმოწერ უფლებამოსილ პირს მიმწოდებლის მხრიდან წარმოადგენს შესაბამისი არქივის დირექტორი ან მისი მოვალეობის შემსრულებელი.

#### 4. მხარეთა უფლება-მოვალეობანი

4.1. მიმწოდებელი ვალდებულია:

ა) გაუწიოს საარქივო მომსახურება შემსყიდველს სათანადო ხარისხითა და სრული მოცულობით ხელშეკრულების მოქმედების ვადაში;

ბ) შეუქმნას შემსყიდველს სათანადო პირობები წინამდებარე ხელშეკრულებით დათქმული სამუშაოს ჯეროვნად შესრულებაში.

4.2. მიმწოდებელი უფლებამოსილია:

ა) მოთხოვოს შემსყიდველს უზრუნველყოს მიმწოდებლის მიერ გაწეული მომსახურების საფასურის გადახდა წინამდებარე ხელშეკრულების მე-2 და მე-3 მუხლით დათქმული პირობების დაცვით.

4.3. შემსყიდველი ვალდებულია:

ა) უზრუნველყოს მიმწოდებლის მიერ გაწეული მომსახურების საფასურის გადახდა წინამდებარე ხელშეკრულების მე-2 და მე-3 მუხლით დათქმული პირობების დაცვით;

ბ) არ გადასცეს მესამე პირებს მიმწოდებლის მიერ მიწოდებული მასალა და მისი გამოყენების შემთხვევაში მიუთითოს დედნის შენახვის ადგილი.

4.4. შემსყიდველი უფლებამოსილია:

მოთხოვოს მიმწოდებელს განახორციელოს წინამდებარე ხელშეკრულებით ნაკისრი ვალდებულებები სათანადო ხარისხითა და სრული მოცულობით წინამდებარე ხელშეკრულებით დათქმულ ვადაში.

#### 5. ხელშეკრულების შესრულების კონტროლი

5.1. ხელშეკრულების შესრულებაზე კონტროლს მიმწოდებლის მხრიდან განახორციელებს სსიპ საქართველოს ეროვნული არქივის საფინანსო სამსახური.

5.2. ხელშეკრულების შესრულებაზე კონტროლს შემსყიდველის მხრიდან განახორციელებს შპს „საქართველოს მელიორაციის“ ადმინისტრაციული სამსახურის უფროსი, **იოსებ ბაკურაძე**.

#### 6. ხელშეკრულებაში ცვლილებების შეტანა

6.1. წინამდებარე ხელშეკრულების დამდებ არცერთ მხარეს არა აქვს უფლება ცალმხრივად შეცვალოს წინამდებარე ხელშეკრულების პირობები.

6.2. თუ რაიმე წინასწარ გაუთვალისწინებელი მიზეზების გამო წარმოიშობა წინამდებარე ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი მოსაზრებები წერილობითი ფორმით.

6.3. ხელშეკრულებაში ნებისმიერი ცვლილების ან დამატების შეტანა შესაძლებელია მხარეთა ორმხრივი შეთანხმების გზით, რომელიც ფორმდება წერილობითი შეთანხმების სახით.

#### 7. ხელშეკრულების შეწყვეტის პირობები

მხარეებს შეუძლიათ ვადამდე შეწყვიტონ წინამდებარე ხელშეკრულება შემდეგ შემთხვევებში:

ა) მიმწოდებელი უფლებამოსილია შეწყვიტოს წინამდებარე ხელშეკრულება თუ აღმოჩნდა, რომ შემსყიდველი ვერ უზრუნველყოფს წინამდებარე ხელშეკრულებით გათვალისწინებული მომსახურების ღირებულების დროულად გადახდას;

ბ) შემსყიდველი უფლებამოსილია შეწყვიტოს წინამდებარე ხელშეკრულება მიმწოდებლის მიერ წინამდებარე ხელშეკრულებით ნაკისრი ვალდებულების არშესრულების ან/და არაჯეროვნად შესრულების შემთხვევაში;

გ) წინამდებარე ხელშეკრულების შეწყვეტის ინიციატორი ვალდებულია შეატყობინოს მეორე მხარეს შესაბამისი ინფორმაცია წერილობითი ფორმით, წინამდებარე ხელშეკრულების შეწყვეტამდე 10 სამუშაო დღით ადრე;

დ) წინამდებარე ხელშეკრულება შეიძლება შეწყდეს მხარეთა ინიციატივით, ურთიერთშეთანხმების საფუძველზე;

ე) წინამდებარე ხელშეკრულება შეიძლება შეწყდეს კანონმდებლობით გათვალისწინებულ სხვა შემთხვევებში.

## 8. ფორს-მაჟორი

8.1. წინამდებარე ხელშეკრულების დამდები რომელიმე მხარის მიერ წინამდებარე ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ წინამდებარე ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

8.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მიმწოდებლის და/ან შემსყიდველის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და სხვა.

## 9. ხელშეკრულების პირობების შეუსრულებლობა

9.1. ფორს-მაჟორული პირობების გარდა, შემსყიდველის/მიმწოდებლის მიერ წინამდებარე ხელშეკრულების ვალდებულებების შესრულების ვადების გადაცდენის შემთხვევაში შემსყიდველი/მიმწოდებელი ყოველი ვადაგადაცილებული დღისათვის მიმწოდებელს/შემსყიდველს უხდის პირგასამტეხლოს წინამდებარე ხელშეკრულების ღირებულების 1%-ის ოდენობით.

9.2. საჯარიმო სანქციების გადახდა არ ათავისუფლებს მხარეებს ძირითადი ვალდებულების შესრულებისგან.

## 10. დავის გადაწყვეტა

10.1. მხარეთა შორის წამოჭრილი დავა წყდება ურთიერთშეთანხმებით.

10.2. ურთიერთშეთანხმებით დავის გადაჭრის შეუძლებლობის შემთხვევაში ნებისმიერი მხარე უფლებამოსილია დავის გადასაჭრელად დადგენილი წესით მიმართოს სასამართლოს.

## 11. ხელშეკრულების მოქმედების ვადა

წინამდებარე ხელშეკრულება ძალაში შედის მისი ხელმოწერის დღიდან და მოქმედებს 2016 წლის 31 მაისის ჩათვლით.

## 12. დასკვნითი დებულებები

13.1 მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

13.2. წინამდებარე ხელშეკრულება შედგენილია, განიმარტება და რეგულირდება საქართველოს მოქმედი კანონმდებლობის მიხედვით.

13.3. წინამდებარე ხელშეკრულება შედგენილია ქართულ ენაზე, თანაბარი იურიდიული ძალის მქონე ორ ეგზემპლარად, რომელთაგან ერთი გადაეცემა შემსყიდველს, მეორე კი მიმწოდებელს.

## 13. მხარეთა რეკვიზიტები

### მიმწოდებელი

სსიპ საქართველოს ეროვნული არქივი  
სახელმწიფო ხაზინა  
ბანკის კოდი TRESGE22  
ანგარიშის № 707447080  
ს/კ 211358957



### შემსყიდველი

შ.პ.ს „საქართველოს მელიორაცია“  
ს/ს საქართველოს ბანკი  
ბანკის კოდი: BAGAGE22  
ა/ა: GE58BG0000000182323100  
ს/კ 204524568

